



## 岳飞

1103年3月24日—1142年1月27日，  
字鹏举，相州汤阴（今河南省汤阴县）人。  
南宋时期抗金名将、军事家、战略家，  
民族英雄、书法家、诗人，  
位列南宋“中兴四将”之首。

## 满江红·写怀

怒发冲冠，凭栏处、潇潇雨歇。  
抬望眼，仰天长啸，壮怀激烈。  
三十功名尘与土，八千里路云和月。  
莫等闲，白了少年头，空悲切！  
靖康耻，犹未雪。  
臣子恨，何时灭！  
驾长车，踏破贺兰山缺。  
壮志饥餐胡虏肉，笑谈渴饮匈奴血。  
待从头、收拾旧山河，朝天阙。

---

## 满江红·登黄鹤楼有感

遥望中原，荒烟外、许多城郭。  
想当年、花遮柳护，凤楼龙阁。  
万岁山前珠翠绕，蓬壶殿里笙歌作。  
到而今、铁骑满郊畿，  
风尘恶，那邺宫杞梓庐。  
兵安在？膏锋锷。  
民安在？填沟壑。  
叹江山如故，千村寥落。  
何日请缨提锐旅，一鞭直渡清河洛。  
却归来、再续汉阳游，骑黄鹤。

## 小重山·昨夜寒蛩不住鸣

昨夜寒蛩不住鸣。  
惊回千里梦，已三更。  
起来独自绕阶行。  
人悄悄，帘外月胧明。  
白首为功名。  
旧山松竹老，阻归程。  
欲将心事付瑶琴。  
知音少，弦断有谁听？

---

## 池州翠微亭

经年尘土满征衣，特特寻芳上翠微。  
好水好山看不足，马蹄催趁月明归。

---

## 题青泥市萧寺壁

雄气堂堂贯斗牛，誓将直节报君仇。  
斩除顽恶还车驾，不问登坛万户侯。

## 送紫岩张先生北伐

号令风霆迅，天声动北陬。  
长驱渡河洛，直捣向燕幽。  
马蹀阏氏血，旗袅可汗头。  
归来报明主，恢复旧神州。

---

## 从驾游内苑应制

敕报游西内，春光霭上林。  
花围千朵锦，柳捻万株金。  
燕绕龙旗舞，莺随风辇吟。  
君王多雨露，化育一人心。

---

## 归赴行在过上竺寺偶题

强胡犯金阙，驻蹕大江南。  
一帝双魂杳，孤臣百战酣。  
兵威空朔漠，法力仗瞿昙。  
恢复山河日，捐躯分亦甘。

## 题翠岩寺

秋风江上驻王师，暂向云山蹑翠微。  
忠义必期清塞水，功名直欲镇边圉。  
山林啸聚何劳取，沙漠群凶定破机。  
行复三关迎三圣，金酋席卷尽擒归。

---

## 寄浮图慧海 / 寄东林慧海上人

湓浦庐山几度秋，长江万折向东流。  
男儿立志扶王室，圣主专师灭虏酋。  
功业要刊燕石上，归休终伴赤松游。  
丁宁寄语东林老，莲社从此著力修。

---

## 送轸上人之庐山

何处高人云路迷，相逢忽荐目前机。  
偶看菜叶随流水，知有茅茨在翠微。  
琐细夜谈皆可听，烟霏秋雨欲同归。  
翛然又向诸方去，无数山供玉尘挥。



## 过张溪赠张完

无心买酒谒青春，对镜空嗟白发新。  
花下少年应笑我，垂垂羸马访高人。

---

## 题雩都华严寺

手持竹节访黄龙，旧穴空遗虎子踪。  
云锁断崖无觅处，半山松竹撼秋风。

---

## 游嵬石山寺

嵬石山前寺，林泉胜景幽。  
紫金诸佛相，白雪老僧头。  
潭水寒生月，松风夜带秋。  
我来属龙语，为雨济民忧。

---

## 题池州翠光寺

爱此倚栏干，谁同寓目閒。  
轻阴弄晴日，秀色隐空山。  
岛树萧疏外，征帆杳霭间。  
予虽江上老，心羡白云还。

## 五岳祠盟记

自中原板荡，夷狄交侵，余发愤河朔，起自相台，总发从军，历二百余战。

虽未能远人夷荒，洗荡巢穴，亦且快国讎之万一。

今又提旅孤军，振起宜兴，建康之城，一鼓败虏，恨未能使匹马不回耳！

故且养兵休卒，蓄锐待敌，嗣当激励士卒，功期再战，北逾沙漠，喋血虏廷，尽屠夷种。

迎二圣，归京阙，取故地，上版图，朝廷无虞，主上奠枕，余之愿也。